

SEHLA SA HO FAELA SA 2025 SE QALA KA LA 21 PHUPU HO ISA HO LA 20 MPHALANE

Tshwane, 18 Phupu 2025 — Ditshebeletso tsa Lekgetho tsa Afrika Borwa (SARS) di tsebisa ka thabo hore ke balefalekgetho ba 5.8 million ba fumaneng Dihlahlobo tsa Othomathike monongwaha, sena se nyolohile ho tswa ho 5 million ya 2024. Hwa bohlokwa, 99.6% ya Dihlahlobo tsa Othomathike tse ntshitsweng ho fihlela jwale di dutse di sa fetolwa ke balefalekgetho. Ho bileng ho babatseha ka mokgwa o tshwanang ke hore ke dipusetso tsa R10.6 billion tse kolotuwang balefalekgetho tse seng di lefuwe nakong ya dihora tse 72.

Ka Dihlahlobo tsa Othomathike, SARS e sebedisa data e tswang ditshebeletsong tsa mekga ya boraro ho hlahloba balefalekgetho. Ho bapa le takatso ya rona ya hore "lekgetho le iketsahalle feela", balefalekgetho ha ba lokela ho etsa letho nakong eo ba fumantshwang dihlahlobo tsa bona tsa othomathike. Bakeng sa balefalekgetho ba ka hlokanang ho ntjhafatsa dikgutliso tsa bona tsa lekgetho ka dipheto ho moo ebang ho na le lesedi le sa fellang le leo SARS e se nang lona, sena se ka etswa ka eFiling kapa SARS Mobi App.

Leeto la rona la ho aha SARS e Bohlale, ya Sejwalejwale, e tsejwang ka tshebediso ya mahlale a maiketsetso, boithuto ka motjhine le saense ya data jwale di beha ditholwana. Ke balefalekgetho ba fetang 2.1 million ba seng ba buisane le SARS ka tshebediso ya dikanale tsa rona ta dijithale. Ho tsena, dipuisano tse 1.1 million di arabetswe ka tshebediso ya *SARS Online Query System*, 707 000 ka *WhatsApp*, mme tse 290 000 ka *Lwazi Chat Bot*. Ka ho etsa hore ho be bonolo ho buisana le SARS ka tshebediso ya eFiling kapa SARS Mobi App, ke basebedisi ba ikgethang ba fetang 10.2 million ba seng ba sebedisitse tsena ka katleho haesale ho tloha ka la 4 Phupu.

Ho phethelwa ka katleho ha nako ya Dihlahlobo tsa Othomathike, e qadileng ka la 7 ho isa ho la 20 Phupu 2025, ho tla latelwa ke nako ya ho faelwa ha lekgetho ka eFiling le SARS MobiApp bakeng sa batho ka bomong ho tloha ka **Mantaha, 21 Phupu–20 Mphalane 2025. Balefalekgetho ba nakwana le bona** ba ka qala ho faela ho tloha ka la **21 Phupu 2025–19 Pherekong 2026**. Bakeng sa bongata ba bao ba fanang ka dikgutliso tsa onlaene, sephetho sa hlahlobo se tla ntshuwa nakong e ka tlase ho disekonto tse 5 ebang tsohle di nepahetse. Tshebeletso ena ya maemo a lefatshe e etswa tjena ha ka lehlakoreng le leng ho ntse elwa sedi kotsi ya dipusetso tse sa dumellehang kapa tsa boqhekanyetsi ka thuso ya metjhine e itlhommeng pele ya boithuto mmoho le dimmotlolo tsa mahlale a maiketsetso (AI).

Ho qoba dikotlo, balefalekgetho ba tlameha ho fana ka lesedi le nepahetseng ka nako. Hore Sehla sa ho Faela sa 2025 se thelle feela, balefalekgetho ba ipiletswa ho sebedisa dikanale tsena tse latelang tsa dikgokahanyo le SARS:

- **Websaete ya SARS:** etela www.sars.gov.za mme o tobetse hodima konopo e reng "Individuals".
- **SARS Online Query System (SOQS):** <https://tools.sars.gov.za/soqs>.
- **SARS WhatsApp:** romela "Hi" kapa "Hello" ho 0800 117 277.
- **Thuso ya Mahlale a Maiketsetso:** e fumanehang 24/7 mane websaeteng ysa SARS ho araba dipotso tsa hao.

- **Letsetsa *134*7277#:** ho fumana ditshebeletso tsa SARS.
- **SARS YouTube:** etela @sarstax ho fumana dividiyo tsa tataiso.

Balefalekgetho ba ntse ba sebedisa dikanale tse tsa SARS tsa dijithale ka katleho. Ha ho hlokehe hore o etele Ditsi tsa Tshebeletso tsa SARS. Ebang o qobelleha, etsa kopo ya kopano pele ho qoba mela e melelele.

Balefalekgetho ba kolotang SARS ba ipiletsa hore ba etse ditefo kapele ka moo ho kgonehang kapa ba etse ditlhophiso tsa tefo. Ke dipusetso tse fetang R100 tse kolotuwang balefalekgetho tse tlang ho leshwa ka tsela ya othomathike diakhaontong tsa bona tsa banka nakong ya dihora tse 72 ka mora hore ho phethelwe dihlahlobo tsa bona.

SARS e ipiletsa ho balefalekgetho hore ba dule ba fadimehile le ho boloka dintlha tsa bona e le sephiri. Ho se ho bile le diteko tse ngata ka baqhekanyetsi ba lekileng ho qhekanyetsa balefalekgetho. Balefalekgetho ba hopotsa hore SARS e keke ya batla hore ba sebedise kgokanyo efe kapa efe ho buisana le yona. Balefalekgetho ba tlameha ho sireletsa dintlha tsa bona tsa ho kena ho eFiling le ho sebedisa ditsebi tsa lekgetho tse ngodisitsweng.

Lesedi le mabapi le boqhekanyetsi ba moraorao tjena le ka fumanwa websaeteng ya SARS e leng www.sars.gov.za. Ho tlaleha kapa ho fumana lesedi le leng le mabapi le leraba la ho tshwasa, balefalekgetho ba ka romela imeile ho phishing@sars.gov.za.

Edward Kieswetter, Khomishenara ya SARS, o hlalositse ho kgotsofala ha hae hore Hlahlobo ya Othomathike e tlele ka diphetoho tse kgolo le ho nolofaletsa balefalekgetho hore ba ikobele tefo ya lekgetho. O boletse hore "SARS e sebetsa ka thata ho fana ka tshebeletso e hlwahlwa ho balefalekgetho, moo "lekgetho le iketsahallang feela". O hlokometse hore ho ntlafala ha dikanale tsa dijithale tsa SARS ho baballa nako ya balefalekgetho le ho etsa hore ho se hlole ho hlokeha hore ba etele Ditsi tsa Tshebeletso tsa SARS. "Qetellong, maikemisetso a rona ke ho etsa hore tshebeletso e hlwahlwa e be moo ho seng tshebeletso hohang". Jwalokaha re qala ka Sehla sa ho Faela bakeng sa bao ba sa kang ba hlahlojwa ka tsela ya othomathike, ho tloha ka Mantaha wa la 21 Phupu, ke kgothaletsa balefalekgetho ho sebedisa dikanale tsa rona tsa dijithale hona le ho tla ema meleng Ditsing tsa rona tsa Tshebeletso".

Ho fumana lesedi le fetang lena, ka kopo ikopanye le SARSMedia@sars.gov.za.

KE PHETHO